

岑

嘉

州

詩

本嘉州詩引

本嘉州詩晁子止云十卷陳止齋云八卷高廷禮云
十卷與子止同然皆不著若干篇止齋去子止不遠
不宜有同異豈傳寫編定各有所據而移置偶爾邪
州舊有刻本止七卷近見別本亦止七卷首卷至百
篇六卷七卷僅八九篇何多寡不倫也閒中頗加類
次散出諸集中題關門古興等詩三十五篇舊本所
無者悉收之其岑羲應制之詩誤入者削去於是嘉
州之詩九八卷九二百七十一篇云嘉州詩雄一代
與李杜王孟爭能而所存止此他尚何說焉侍御黎

公乾德按節過嘉登凌雲青衣連讀嘉州之詩謂古
今人所評為知言惜時無善本予因出此侍御乃屬
州守謝侯元良刻置郡齋俾予以教言引之

正德庚辰春二月朔日漢嘉安磐石書

嘉州詩卷之一

五言古詩

送許子擢第歸江寧拜親因寄王太昌齡

建業控京口金陵款滄溟君家臨秦淮對石頭城
十年自勤學一鼓遊上京青春登甲科動地聞香名
解榻皆五侯結交盡群英六月槐花飛忽思蓴菜羹
跨馬出國門丹陽返柴荆楚雲引歸帆淮水浮客程
到家拜親時入門有光祭鄉人盡來賀置酒相邀迎
閑眺北顧樓一作登樓醉眠湖上亭月從海門出
照見茅山青昔為帝王州今幸天地平一作五朝

胡變入世千載空江聲
玄元告靈符丹洞獲其銘
皇帝受玉冊群臣羅天庭
喜氣薄太陽祥光徹
官宮奔走朝萬國崩騰集百靈
玉兄尚謫官屢見秋雲生
孤城帶後湖心與湖水清
一縣無諍辭有時關道經
黃鶴垂兩翅徘徊但悲鳴
一作悲相思不可見空望牛女星

武威送劉單判官赴安西行營便呈高開府

燕海亘鐵門火山赫金方
白草磨天涯胡沙奔莽茫
天子旆戎幕其鋒利如霜
中歲學兵符不能守文章
功業須及時立身有行藏
男兒感忠義萬里志越鄉

孟夏邊候遲胡國草木長馬疾過飛鳥天窮超夕陽
都護新出師五月發軍裝甲兵二百萬錯落黃金光
揚旗一作拂崑崙峯伐鼓振蒲昌太白引官軍天威臨
大荒西望雲似蛇戎夷知喪亡渾驅大宛馬繫取樓
蘭王曾到交河城風土斷人腸塞驛遠如點邊烽互
相望赤亭多飄風鼓怒不可當有時無人行沙石亂
飄揚夜靜天蕭條鬼哭夾道傍地上多髑髏皆是古
戰場置酒高館夕邊城月蒼蒼軍中宰肥牛堂上羅
羽觴紅淚金燭盤嬌歌艷新妝望君仰青冥短翮難
可翔蒼然西郊道握手何慨慷

送王大昌齡赴江寧

對酒寂不語悵然悲

一作愁

送君明時未

一作得用白

首徒攻文澤國從一官滄波幾千里群公蒲天闕獨
去過淮水舊家富春渚嘗憶臥江樓自聞君欲行頗
望南徐州窮巷獨閉門寒燈靜深屋北風吹微雪抱
被肯同宿君行到京口正是挑花時舟中饒孤興湖
上多新詩潛虬且深蟠黃鶴飛來晚

一作黃鶴惜君青雲

需努力加餐飯

送祁樂歸河東

祁樂後來秀掩身出河東往年詣驪山獻賦溫泉宮

天子不屈見揮鞭遂從戎前月還長安囊中金已空
有時忽乘輿盡出江上峯林頭蒼梧雲簾下天台松
怒如高堂上颯颯生清風一作聞五月火雲屯氣燒
天地紅鳥且不敢飛子行如轉蓬少華與首陽隔河
勢爭雄新月河上出清光蒲江中置酒灞亭別高歌
披心貫君到故山時爲吾謝老翁一作爲謝

北庭貽宗學士道別

萬事不可料歎君在軍中讀書破萬卷何事來從戎
曾逐李輕車西征出太蒙荷戈月窟外擐甲崑崙東
兩度皆破胡朝廷輕戰功十年抵一命萬里如飄蓬

寒鬢老胡塵衣裘脆邊風忽來輪臺下相見披心胃
飲酒對春草彈棋聞夜鐘今且還龜茲臂上懸角弓
平沙向旅館匹馬隨飛鴻孤城倚大碛海氣迎邊空
四月猶自寒天山雪濛濛君有賢主將何謂途窮
時來整六翻一舉凌蒼穹

送許拾遺思歸江寧拜親

詔書下青瑣駟馬還吳州束帛仍賜衣恩波漲滄流
微祿將及親向家非遠遊晉君五斗米不謝萬戶侯
適出西掖垣如對南徐州歸心望海日鄉夢登江樓
大江盤金陵諸山橫石頭楓樹隱茅屋橘林繫漁舟

種樂疏故畦釣魚垂舊釣對月京口夕觀濤海門秋
天子憐諫官論事不可休早來丹墀下高駕無淹留

魏州郡齋南池幽興閣二侍御道別

時任魏州長史

池色淨天碧水涼雨淒淒快風從東南荷葉翻向西
性本愛魚鳥未能返巖溪中歲徇微官遂令心賞賤
及茲坐山郡不異尋幽棲小吏趨竹逕訟庭侵藥畦
胡塵暗河洛二陝震鼓鼙故人佐戎軒逸翻凌雲霓
行軍在函谷兩度聞鶯啼相看紅旗下飲酒日日低
聞君欲朝天駟馬臨道嘶仰望浮與沉忽如雲與泥
夜眠驛樓月曉發關城雞惆悵西郊暮鄉書對君題

送青龍招提歸一上人遠遊吳楚別詩

久交應真侶最歎青龍僧棄官向二年割髮歸一乘
了然瑩心身潔念樂空寂名香泛窻戶幽磬清曉夕
往年仗一劔由是佐二庭於焉久從戎兼復解論兵
世人猶未知天子願相見朝從青蓮宇暮入白虎殿
宮女繫錫杖御筵出香爐說法開藏經論邊窮陣圖
忘機厭塵喧浪迹向江海思師石可訪惠遠峰猶在
今日飛錫去何時持鉢還湖煙冷吳門淮月銜楚山
一身如浮雲萬里過江水相思恥天外南望無窮已

送李翥遊江外

相識應十載見君只一官家貧祿尚薄霜降衣仍單
惆悵秋草死蕭條芳歲闌且尋滄洲路遙指吳雲端
匹馬關塞遠孤舟江海寬夜眠楚煙濕曉飯湖山寒
砧淨紅鱸落袖香朱橘團帆前見禹廟枕底聞巖灘
便獲賞心趣豈歌行路難青門須醉別少為解征鞍

送王著赴淮西幕府作

燕子與伯勞一西復一東天空信寥廓翔集何時同
知己悵難遇良朋非易逢怜君心相親與我家又通
言笑日無度書劄凡幾封湛湛萬頃陂森森千丈松
不知有機巧無事干心習蒲堂皆酒徒豈復美王公

早年抱將畧累歲依幕中昨者從淮西歸來奏造功
乘恩長樂殿醉出明光宮逆旅悲寒蟬客夢驚飛鴻
發家見春草却去聞秋風月色冷楚城淮光透霜空
各自矜功業當須激深衷別後能相思何嗟山萬重

送張秘書克劉相公通汴河判官便赴江外觀
省

前年見君時見君正泥蟠去年見君處見君已風搏
朝趨赤墀前高視青雲端新登麒麟閣適脫獬豸冠
劉公領舟楫汴水揚波瀾萬里江海通九州天地寬
昨夜動使星今旦送征鞍老親在吳郡令弟雙同官

鱸膾剩堪憶，尊羹殊可餐。旣參幕中書，復展膝下驢。
因送故人行，試歌行路難。何處路最難，最難在長安。
長安多權貴，珂珮聲珊珊。儒生直如弦，權貴不須干。
斗酒取一醉，孤瑟為君彈。臨岐欲有贈，持以握中蘭。

冬宵家會錢李郎司兵赴同州

急管雜青絲，玉瓶卮金卮。寒天高堂夜，撲地飛雪時。
賀君關西掾，新綬腰下垂。白面皇家郎，逸翮青雲姿。
明旦之官去，他辰良會稀。惜別冬夜短，務歡杯行遲。
季女由自小，老夫未令歸。且看匹馬行，不得鳴鳳飛。
昔歲到馮翊，人煙接師魯。上月樓頭逢，見西嶽祠。

沙苑逼官舍蓮峰壓城池多暇或自公讀書復彈棋
州縣信徒勞雲霄亦可期應須力為政聊慰此相思
送顏平原并序

十二年春有詔補尚書十數公為郡守上親賦詩
觴群公宴于蓬萊前殿仍賜以綉帛寵餞加等參
美公是行為寵別章句

天子念黎庶詔書換諸侯仙郎授剖符華省輟分憂
置酒會前殿賜錢若山丘天章降三光聖澤該九州
吾兄鎮河朔拜命宣皇猷駟馬辭國門一星東北流
夏雲照銀印暑雨隨行軸赤筆仍存篋鑪香惹衣裘

此地鄰東溟孤城帶滄洲海風掣金戟導吏呼鳴騶
郊原北連燕剗劫風未休魚鹽隘里巷桑柘盈田疇
為郡豈淹旬政成應未秋易俗去猛虎化人似馴麕
蒼生已望君黃霸寧久留

送狄員外巡按西山軍

得霽字

兵馬守西山中國非得計不知何代策空使蜀人弊
八州崖谷深千里雲雪閉泉澆閣道滑水凍絕橋脛
戰士常苦飢糗糧不相繼胡兵猶不歸空山積年歲
儒生識損益言事皆審諦狄子幕府郎有謀必康濟
身中懸明鏡照耀無巨細莫辭肩險艱可以裨節制

相思江樓夕愁見月澄霽

魏州送鄭興宗弟歸扶風別廬

作郡已三載豈能長後時出關少親友賴汝常相隨
今且忽言別慘然俱淚垂半生滄洲意獨有青山知
州縣不敢說雲霄誰敢期因懷陳溪老最意南峰緇
為我多種藥還山應未遲

送杜位下第歸陸渾別業

正月今欲半陸渾花未開出關見青草春色正東來
夫子且歸去明時方愛才還須及秋賦莫即隱高萊

灋頭送將族

君住澧水北我家澧水西
兩村辨喬木五里聞鳴雞
飲酒溪雨過彈棋山月低
徒聞蔣生逕尔去誰相携

南池宴餞辛子賦得科斗字

臨池見科斗羨尔樂有餘
不憂網與釣幸得免為魚
且願克文字登君尺素書

岑嘉州詩卷之二

五言古詩

潼關鎮國軍句獲使院早春寄王同州

胡寇尚未盡大軍鎮關門
旗旌遍草木兵馬如雲屯
聖朝正用武諸將皆承恩
不見征戰功但聞歌吹喧
儒生有長策閉口不敢言
昨夜閣東來思與故人論
何爲廟廊器至今居外藩
黃霸寧潼甸蒼生望騰蹇
捲簾見西岳仙掌明朝暎
昨夜聞春風戴勝過後園
各自限官守何由叙涼溫
離憂不可忘襟背思樹萱

寄青城龍溪真道人

青城即大人
真公有篇

五岳之丈人西望青管管雲開露崖嶠百里見石稜
龍溪盤中峰上有蓮華僧絕頂小蘭若四時嵐氣凝
身同雲虛無心與谿清澄誦戒龍每聽賦詩人則稱
杉風一作吹架深石壁冷孤燈久欲謝微祿誓將歸
大乘願聞開士說庶以心相應

梁州對雨懷麴二秀才便呈麴大判官時疾贈

余新詩

江上雲氣黑

河滿切山在內山陽縣一作歸

昨夜雷水蒸平明

飛雨從嶓冢來濛濛隨風過蕭颯鳴庭槐隔簾濕衣
巾當暑涼幽齋麴生住相近言語阻且乖臥疾不見

久午時門始開終日看本草藥苗滿前堦兄弟早有
名甲科皆秀才二人事慈母不弱古老萊昨歎攜手
遲未盡平生懷愛君有佳句一日吟幾回

潼關使院懷王七季友

王生今才人

子一作

時輩咸所仰何當見顏色終日勞

夢想

一作

驅車到關下欲往阻河廣滿目徒春華思

君罷心賞開門見太華朝日映高掌忽覺蓮花峰別
來更如長無心願微祿有意在獨往不負林中期終
當出塵網

至大梁却寄匡城主人

一從棄魚釣十載干明王無由謁天階却欲歸滄浪
仲秋至東郡遂見天雨霜昨夜夢故山蕙帳色已黃
平明辭鐵立薄暮遊大梁仲秋蕭條景拔刺飛鵝鶴
四郊陰氣聞萬里無晶光長風吹白茅野火燒枯桑
故人南燕吏籍籍名更香聊以玉壺贈置之君子堂

春遇南使貽趙知音

端居春心醉襟背思樹萱美人在南州爲爾歌北門
北風吹煙物戴勝鳴中園枯楊長一作新條芳草滋
舊根網絲結實琴塵埃被空樽適遇江海信聊與南

客論

郊行寄柱位

酒醉空城煙淒清

一作涼

寒山景秋風引歸夢昨夜到

汝顙近寺聞鐘聲快陂見樹影所思何由見東比徒

引領

懷葉縣關操姚擴韓涉李叔齊

數子皆故人十時史宛葉經年總不見書札徒滿篋
斜日空半庭旋風走梨葉去君千里地言笑何時接
初至西號官舍南池呈左右省及南宮諸故人
黜官自西掖待罪臨下陽空積大馬羸豈思鴛鴦行
素多江湖意偶佐山水鄉滿院池月靜捲簾溪雨涼

軒窓竹翠濕繁牘荷花香白鳥上衣術青苔生筆牀
數公不可見一別盡相忘敢恨青瑣友無情華省郎
早年迷進退晚節悟行藏他日能相訪嵩南舊草堂

冀州客舍酒酣貽王綺寄題南樓

時王下應制
奉欲西上

夫子傲常調詔書下徵求知君欲謁帝扶馬趨西州
逸足何一作方駸駸美聲一作秀寔風流富學賒清詞下

筆不能休君家一何盛赫奕難爲儔伯父四五人同
時爲諸侯憶昨始相值值君客日在相看復乘興携
手到冀州前日在南縣與君上北樓野曠不見山白
日落草頭客舍梨花繁深花隱鳴鳩南鄰新酒熟有

女彈箜篌醉後或狂歌酒醒滿離憂主人不相識此
地難淹留五口廬終南下堪與王孫遊何當肯相尋
灑
上一孤舟

北庭西郊候封大夫受降回軍獻上

胡地首宿美輪臺征馬肥大夫討匈奴前月西出師
甲兵未得戰降虜來如歸橐駝何連連窮帳亦纍纍
陰山烽火滅劔水羽書稀却笑霍嫖姚區區徒爾爲
西郊候中軍平沙懸落暉驛馬從西來雙節夾路馳
喜鵲捧金印蛟龍盤畫旗如公未四十富貴能及時
直上排青雲傍看疾若飛前年斬樓蘭去年平月支

天子日沐寵朝廷方見推何幸一書生忽蒙國士知
側身佐戎幕歛社事邊陲自逐定遠侯亦着短後衣
近來能走馬不弱拜州兒

宿太白東溪李老舍寄弟姪

渭上秋雨過北風正騷騷天晴諸山出太白峯最高
主人東溪老兩耳生長毫遠近知百歲子孫皆二毛
中庭井欄上一架獼猴挑石泉飯香粳酒甕開新糟
愛茲田中趣始悟世上勞我行有勝事書此寄爾曹
入剡門作寄杜揚二郎中時二公並爲杜元帥

不知造化初此山誰開拆双崖倚天立萬仞從地劈
雲飛不到頂鳥去難過壁速駕畏巖傾單行愁路窄
手明地仍黑停午日暫赤凜凜三伏寒崢嶸五丁迹
與時忽開閉作固仍順逆磅礴跨岷峨魏璠限壑狹
星當甯參分地起西南僻斗覺煙景殊杏將華夏隔
劉氏昔顛覆公孫曾敗績始知德不修情此險何益
相公總師旅遠近罷金革杜母來何遲蜀人應更惜
暫回丹青慮少用開濟策二友華省郎俱為幕中客
良籌作戎律精理皆碩畫高文出詩騷奧學窮討贖
聖朝無外尹寰宇被德澤四海今一家徒然劍門石

鞏比秋興寄崔明允

白露披梧桐玄蟬晝夜號
秋風萬里動日暮黃雲高
君子作休明小人事蓬蒿
所適在魚鳥焉能拘錐刀
孤舟向廣武一鳥歸城皋
勝槩日相與思君心鬱陶

佐郡思舊遊

并序

己亥春三月參自補闕轉起居舍人夏四月署龔
州長史適見秋草涼風復來晉桓譚出爲六安丞
常忽忽不樂今知之矣悲州縣瑣屑思掖垣清閑
因呈左右省舊遊

華得趨紫殿却憶侍丹墀
史筆衆推直諫書人莫窺

平生恒自負垂老此安卑同類皆先達非才獨後時
庭槐宿鳥亂階草夜虫悲白髮今無數青雲未有期
敬酬杜華淇上見贈兼呈熊權

杜侯實才子盛名不可及祇曾効

為一作

一官今已年

四十是君同時者已有尚書郎
怜君獨未遇淹泊在他鄉
我從京師來到此喜相見
共論窮途事不覺淚滿面
憶昨癸未歲吾兄自江東
得此江湖詩骨氣凌謝公
熊生慰淇上開筵常待客
喜我二人來歡笑復朝夕
縣樓壓春岸戴勝鳴花枝
吾兄在舟中縱酒兼彈棋
三月猶未還客愁滿春草
賴蒙瑤花贈諷詠慰

懷抱

酬成少尹駱谷行見呈

聞君行路難，惆悵臨長衢。豈不憚險艱，主程剽相拘。
憶昨蓬萊宮，新授刺史符。明主仍賜衣，價直千萬餘。
何幸承命日，得與夫子俱。携手出華省，連鑣赴長途。
五馬當路嘶，按節投蜀都。千崖信縈折，一徑何盤紆。
層水滑征輪，密竹礙隼。澳深林迷昏，旦棧道凌空。虛
飛雪縮馬尾，烈風擊我膚。峰橫望天小，亭午見日初。
夜宿月近人，朝行雲滿車。泉澆石罅，拚火入松心。枯
亞尹同心者，風流賢大夫。榮祿上及親之官，隨板與

高價振臺閣清詞出應徐成都春酒香且用俸錢沽
浮名何足道海上堪乘桴

魏州酬陝西甄判官贈

微才弃散地拙宦慙清時白髮徒自負青雲難可期
胡塵暗東洛亞相方出師分陝振鼓鼙二嶺滿旌旗
夫子廟廊器迥然青冥姿閩外佐戎律幕口吐兵奇
前者驛使來忽枉行軍詩畫吟庭花落夜諷山月移
昔君隱蘇門浪迹不可羈詔書自徵用冷譽天下知
別來春草長東望轉相思寂寞山城暮空聞畫角悲

驪姬墓

驪姬北原上開骨已千秋澮水日東注惡名終不流
獻公恣耽惑視子如仇讎此事成蔓草我來逢十丘
峨眉山月落蟬鬢野雲愁欲弔二公子橫汾無輕舟
先主武侯廟

先主與武侯相逢雲雷際感通君臣分義激魚水契
遺廟空蕭然英靈貫千歲

文公講堂

文公不可見空使蜀人傳講席何時散高堂豈復全
豐碑文字寂寞冥冥不知年

楊維草玄臺

吾悲子雲居寂寞人已去娟娟西江月猶照草玄處
精怪憇無人睚盱藏古樹

司馬相如琴臺

相如琴臺古人去臺亦空臺上寒蕭瑟至今多悲風
荒臺漢時月色與舊時同

嚴君平卜肆

君平曾賣卜卜肆蕪已久至今杖頭錢時時地上有
不知皮機石還在人間否

張儀樓

傳是秦時樓巍巍至今在樓南兩江水千古長不改

曾聞昔時人歲月不相待

昇仙橋

長橋題柱去猶是未達時及乘駟馬車却從橋上歸
名共東流水滔滔無盡期

萬里橋

成都與維陽相去萬里地滄江東流疾帆去如鳥翅
楚客過此橋東看盡垂淚

石犀

江水初為瀟蜀人幾為魚向魚石犀安得有巴居
始知李太守伯禹亦不如

龍女祠

龍女何處來來時乘風雨祠堂青林下宛宛如相語
蜀人競祈息捧酒仍擊鼓

題鐵門關樓

鐵門天西涯極目少行客關門一小吏終日對石壁
橋跨千仞危路盤兩崖窄試登西樓望一望頭欲白

題華嚴寺環公禪房

寺南幾千峰峯翠晴可掬朝從老僧飯昨日崖口宿
錫杖倚枯松繩牀映深竹東溪草堂路來徃行自熟
生事在雲山誰能復羈束

邵齋閑坐

負郭無良田，屈身徇微祿。平生好踈曠，何事就羈束。
幸曾趨丹墀，數得侍黃屋。故人盡榮達，誰念此幽獨。
州縣非宿心，雲山忻滿目。頃來廢章句，終日披案牘。
佐郡竟何成，自悲徒碌碌。

東歸留題太常徐卿草堂

在蜀

不謝古名將，吾知徐太常。年纔三十餘，勇冠西南方。
頃曾策匹馬，獨出持兩槍。虜騎無數來，見君不敢當。
漢將小衛霍，蜀將凌關張。卿月益清澄，將星轉光芒。
復居少城北，遙對岷山場。車馬日盈門，賓客常滿堂。

曲池陰高樹

一作

小逕穿叢篁江鳥飛入簾山雲來

到牀題詩芭蕉滑對酒樓花香諸將射獵侍君在翰
墨場聖主賞勳業邊塵最輝光與我情惆繆相知久
分芳忽作萬里別東歸三峽長

衙郡守邊

世事何反覆一身難可料頭白翻折腰歸家還自笑
所嗟無產業妻子嫌不調五斗米留人東溪億垂釣

歸家還自笑一
作遠家相自笑

終南兩峯草堂

歛迹歸山田息心謝時輩晝還草堂臥但見双峰對

典來資佳遊事恆符勝槩著書高窗下日夕見城內
曩為世人誤遂負生平愛久與林壑辭及來杉松大
偶茲精廬近數與名僧會有時逐棋魚盡日不冠帶
崖口上新月石門破蒼藹色向群木深光搖一渾碎
緬懷鄭生谷頗憶嚴子瀨勝事猶可追斯人邈千載

丹朐公京兆府中棠樹降甘露詩

相公升京兆政成人不欺甘露降府庭上天表無私
非無他人家豈少群木枝被茲甘棠樹美掩召伯詩
團團紺如蜜晶晶凝若脂千柯玉光碎萬葉珠顆垂
崑崙何時來慶雲相逐飛魏宮銅盤貯漢帝金掌持

玉澤布人和精心動靈祇君臣日同德真瑞方著施
何術令大臣感通能及茲忽驚政化理暗與神物期
却笑趙張輩徒稱今古稀爲君下天酒麴藥將用時

劉相公中書江山畫帳

帳作障

相府徵墨妙揮毫天地窮始知丹青筆能奪造化功
瀟湘在簾間廬壑橫座中忽疑鳳凰地暗與江海通
粉白湖上雲黛青天際峰晝日恒見月孤帆如有風
巖花不飛落間草無春冬捲錫香爐緇釣魚滄浪翁
如何平津意尚想塵外躡富貴心獨輕山林興彌濃
喧幽趣頗異出處事不同請君爲蒼生求可追赤松

秋夕聽羅山人彈三峽流泉

儲瞻岷山老抱琴鬢蒼然衫袖拂玉徽爲彈三峽泉
此曲彈未半高堂如空山石泉何颼颼忽在牕戶間
繞指弄鳴咽青絲激潺湲演漾怨楚雲虛徐韻秋煙
疑兼陽臺雨似雜巫山猿幽引鬼神聽淨令耳目便
楚客腸欲斷湘妃淚班班誰裁青桐枝輒以朱絲絃
能含古人曲迤與今人傳知音難再逢惜君方老年
曲終月已落惆悵東齋眠

精衛

負翽出北門乘桴過東溟一鳥海上飛云是帝女靈

玉顏溺水外，精衛空爲名。死必積待，有志力微，竟不成。
西山木石盡，巨壑何時平。

石上藤

石上生孤藤，弱蔓依石長。不逢高枝引，未得凌空上。
何處堪托身，爲君長萬丈。

岑嘉州詩卷之三

五言古詩

青山峽口泊舟懷狄侍御

峽口秋水壯沙邊，且停撓奔濤。振石壁峰勢如動，搖
九月蘆花新。彌令客心焦，惟念在江島。故人滿天朝，
無處豁心胃。憂來醉能銷，往來巴山道。三見秋草彫，
狄生新相知。才調凌雲霄，賦詩折造化。入幕生風颭，
把筆判甲兵。戰士不敢驕，皆云梁公後。遇鼎還能調，
一離別條經時音。塵殊寂寥，何當見夫子。不嘆鄉

關遙

峨眉東脚臨江聽猿懷二室舊廬

峨眉白煙翠新昨夜秋雨洗分明峰頭樹倒插秋江底
久別二室間圖他五斗米猿不可聽北客欲流涕
宿華陰東郭客舍憶閬防

次舍山郭近解鞍鳴鍾時主人炊新粒行子克夜飢
關月生首陽照見華陰祠蒼茫秋山晦蕭瑟寒松悲
久從園廬別遂與朋知辭舊壑蘭杜晚歸軒今已遷
過梁州奉贈張尚書大夫公

漢中二良將今昔各一時韓信此登壇尚書復來斯
手把銅虎符身總文入師錯落北斗星照耀黑水湄

英雄若神授大材濟時危頃歲遇雷雲精神感靈祇
勳業振青史恩德繼鴻私羗虜昔未平華陽積疆屍
人煙絕墟落鬼火依城池巴漢空水流壞斜惟鳥飛
自公布德政此地生光輝百堵創里閭千家恤惇嫠
層城重鼓角甲士如熊羆坐笑風自調行春雨仍隨
芄芄麥苗長藹藹桑葉肥浮客相與來群盜不敢窺
何幸承嘉惠小年即相知富貴情易踈相逢心不移
置酒宴高筵嬌歌雜青絲錦席繡拂廬玉盤金屈卮
春景透高戟江雲舞長麾擺馬嘶柳陰美人映花枝
門傳大夫印世擁上將旗承家令名揚許國苦籙施

戎幕寧又駐台階不應遲別有彈冠士希君無見遺

使交河郡

郡在大山東脚其地甚
無雨雪嚴封大夫

奉使按胡俗平明發輪臺暮投交河城火山赤崖蒐
九月尚流汗炎風吹沙埃何事陰陽工不遣雨雪來
吾君方憂邊分閫資大才昨者新破胡安西兵馬回
鐵關控天崖萬里何遼哉煙塵不敢飛白草空皚皚
軍中日無事醉舞傾金壘漢代李將軍微功今可哈
秋夜宿僊遊寺南京堂呈謙道人

太一連太白兩山知幾重路盤石門窅匹馬行才通
日西到山寺林下逢支公昨夜山北時星星闌此鐘

秦女去已久，僊臺在中峰。簫聲不可聞，此地留遺蹤。
石潭積黛色，每歲投金龍。亂流爭迅湍，噴薄如雷風。
一作來如風夜來聞清磬，月出蒼山空。空山滿清光，水樹
相玲瓏。回廊映密竹，秋殿隱深松。燈影落前溪，夜宿
水聲中。爰茲林巒好，結宇向溪東。相識唯山僧，鄰家
一釣翁。林晚栗初拆，枝寒梨已紅。物幽興易愜，事勝
趣彌濃。願謝區中緣，永依金人宮。寄報乘輦客，替襜
爾何容。

上嘉州青衣山中峰題惠淨上人幽居寄兵部

楊郎中并序

青衣之山在大江之中屹然迥絕崖壁蒼峭周廣
七里長波四匝有惠淨上人廬于其顛唯繩牀竹
杖而已恒持蓮華經十年不下山余自公浮舟聊
一登眺友人夏官弘農楊侯清談之士也素工爲
文獨立于世與余有方外之約每多獨往之意今
者幽躅勝槩莫不得與此公俱爰命小吏刮磨石
壁以識其事乃詩之達楊友耳

青衣誰開鑿獨在水中中央浮舟一躋攀側迤沿窮蒼
絕頂訪老僧豁然登上方諸嶺一何小三江奔茫茫
蘭若向西開峨眉正相當猿鳥樂鐘磬松蘿泛天香

江雲入袈裟山月吐繩牀早知清淨理久乃機心忘
尚以名宦拘聿來夷獠鄉吾友不可見鬱鬱爲尚書郎
早歲受丹經留心向青囊渺渺雲智遠幽幽海懷長
勝賞欲與俱引領遙相望爲政愧無術分憂幸時康
君子滿天朝老夫憶滄浪况值廬山遠抽簪歸法王

自潘陵尖還少室居止秋夕憑眺

草堂近少室夜靜聞松風月出潘陵尖照見十六峰
九月山葉赤溪雲淡秋容火點伊陽村煙深嵩角鐘
尚子不可見蔣生難再逢勝愜只自知佳趣爲誰濃
昨詣山僧期上到天壇東向下望雷雨雲間見回龍

又與人群踈轉愛丘壑中心淡水木會幽興魚鳥通
掃微了自釋出處乃不同况本無宦情誓將依道風
陪狄員外早秋登府西樓因呈院中諸公

常愛張儀樓西山正相當十峯帶積雪百里臨城墻

煙氛掃晴空草樹映朝光車馬一作牛隘百井里閉盤

二江亞相自登壇時危安此方威聲振蠻貊惠化鍾

華陽旌節羅廣庭戈鋌凜秋霜階下貔虎士幕中鴛

鷺行今我忽登臨顧思一作顧思下忘鄉一作忘鄉知已猶未

報鬢毛颯已蒼時命難自知功業豈暫忘揮鳴秋城

夕鳥去江天長兵馬休爭戰風塵尚蒼茫誰當一作人

共携手穎有冬官郎

登嘉州凌雲寺

寺出飛鳥外青峰戴朱樓
搏壁躋半空喜得登上頭
始知宇宙闊下看三江流
天晴見峨眉如向波上浮
迥野煙景豁陰森棕桄稠
願剖區中緣永從塵外遊
回風吹虎穴片雨當龍湫
僧房雲濛濛夏月寒飈颭
回合俯近郭寥落見遠舟
勝槩無端倪天宮可淹留
一官詎足道欲去令人愁

與高適薛稷同登慈恩寺塔

塔勢如踴出孤高聳
聳天宮登臨出世界
登道盤虛空

突兀壓神州，崢嶸如鬼工。四角一作礫白日七層摩

蒼穹，下窺指高鳥。俯聽聞驚風，連山若波濤。奔湊似

朝東，青槐夾馳道。宮館何玲瓏，秋色從西來。蒼然滿

關中，五陵北原上。萬古青濛濛，淨理了可悟。勝因夙

所宗。一作崇誓將掛冠去，覺道資與窮。一作學道

登北庭北樓呈幕中諸公

嘗讀西域傳，漢家得輪臺。古塞千年空，陰山獨崔嵬。

二庭近西海，六月秋風來。日幕上北樓，殺氣凝不開。

大荒無鳥飛，但見白龍堆。舊國颯天未，歸心日悠悠。我

上將新破胡，西郊絕煙埃。邊城寂無事，撫劍空徘徊。

幸得趨幕中，托身廁群才。早知安邊計，未盡平生懷。

登千福寺楚金禪師法華院多寶塔

多寶滅已久，蓮華

經一作

付吾師寶塔。凌太虛，忽如湯。

出時數年功不成，一志堅自持。明主親夢見，世人今始知。千家獻黃金，萬匠磨琉璃。既空秦山木，亦罄天府皆。焚香如雲屯，幡蓋珊珊垂。窅窅神繞護，衆魔不敢窺。作禮覩靈境，一作聞香方證疑。庶割區中緣，脫身恒在茲。

南池夜宿思王屋青蘿舊齋

池上臥煩暑，不櫛復不巾。有時清風來，自謂羲皇人。

天晴雲歸盡雨洗月色新
公事常不閑道書日生塵
早年家王屋五別青蘿春
安得還舊山東溪垂釣綸
春半與群公同遊元處士別業

郭南處士宅門外羅群華
勝際忽相引春華今正濃
山厨竹裏爨爨碓籐間春
對酒雲數片捲簾花萬重
巖泉嗒到晚州縣欲歸慵
草色帶朝雨灘聲兼夜鐘
愛茲清俗慮何事老塵容
况有林下的轉懷方外蹤
過王判官西津所居

勝迹不在遠愛君池館幽
素懷巖中諾宛得塵外遊
何必到清溪忽來身滄洲
潛移岷山石暗引巴江流

樹密書先夜竹深夏已秋沙鳥上筆牀溪花萼簾鈎
天子賤簪冕注心向林丘落日出公堂垂綸乘釣舟
一作垂釣賦詩憶楚老載酒隨江鷗儵然一傲吏獨
在西津頭

田假歸白閣西草堂

雷聲傍太白雨在八九峯東望白閣雲半入紫閣松
勝際紛滿目衡門趣瀰濃幸有數畝田得延二仲蹤
早聞達士語偶與心相通誤狗一微官還山愧塵容
釣竿不復把野碓無人春惆悵飛鳥盡南溪聞夜鐘
太一石鱉崖口潭舊廬招王學士

驟雨鳴浙瀝颼颼溪谷寒碧潭千餘尺下見蛟龍窟
石門吞衆流絕岸呀層岫幽趣倏萬變竒觀非一端
偶逐干祿徒十年皆小官抱板尋舊圃弊廬臨迅湍
君子滿清朝小人思掛冠醪酒漉松子引泉通竹竿
何必濯滄浪不能釣嚴灘此地可遺老勸君來考槃

左僕射相國冀公東齋幽居同黎拾遺所獻

丞相百僚長兩朝居此宮成功雲雷際翊聖天地安
不矜南宮貴祗向東山看宅占鳳城勝窻中雲嶺寬
午時松軒夕六日藤齋寒玉佩賢女蘿金印擢牡丹
山蟬上衣拊野鼠綠藥盤有時披道書竟日不着冠

幸得趨省闈常欣在門闈何當得持衡短翮期風搏
過緱山王處士黑石谷隱居

舊居緱山下偏識緱山雲處士久不還見雲如見君
別來逾十秋兵馬日紛紛青溪開戰場黑谷屯行軍
遂令巢由輩遠逐麋鹿群獨有南澗水潺湲一作如
昔聞

東歸晚次潼關懷古

暮春別鄉樹晚景低津樓伯夷在首陽欲往無輕舟
遂登關城望下見洪河流自從巨靈開流血千一作喜
萬秋行行潘生賦赫赫曹公謀川上多徃事連涼滿

空洲

初過隴山途中呈宇文判官

一驛過一驛驛騎如星流平明發咸陽暮到隴山頭
隴水不可聽嗚咽令人愁沙塵撲馬汗霧露凝貂裘
西來誰家子自道新封侯前月發安西路上無停留
都護酒未到來時在西州十日過沙磧終朝風不休
馬走碎石中四蹄皆血流萬里奉王事一身無所求
也知塞垣苦豈為妻子謀山口月欲出光照關城樓
溪流與松風靜夜相颺颺別家賴歸夢山色多離憂
與子且攜手不愁前路脩

與鮮于庶子自梓州成都少尹自褒城同行至

利道中作

割竹向西蜀岷峨眇天涯空深北關戀豈憚南路賒
前日登七盤曠然見三巴漢水出嶓冢梁山控褒斜
棧道寵迅湍行人貫層崖巖傾劣通馬石窄難容車
深林怯魑魅洞穴防龍蛇水種新插秧山田正燒畬
夜猿嘯山雨曙鳥鳴江花過午方始飯經時旋及瓜
數公各游宦千里皆辭家言笑忘羈旅還如在京華

下外江舟中懷終南舊居

杉冷曉猿悲楚客心欲絕孤舟巴山雨萬里陽臺月

水宿已淹時。蘆花白如雪。顏容老雜繡。把鏡悲鬢髮。
早年好金丹。方士傳秘訣。弊廬終南下。久與眞侶別。
道書誰更開。藥竈煙遂滅。頃來厭塵網。安得有僂骨。
巖壑歸去來。公卿是何物。公卿一作微官

安西節中思長安

家在日出處。朝來喜一作起東風。風從帝鄉來。不與家
信通。絕域地欲盡。孤城天遂窮。彌年但走馬。終日隨
飄蓬。寂寞不得意。辛勤方在公。胡塵靜古塞。兵氣宅
邊空。鄉路耻天外。歸期如夢中。遙憑長房術。爲縮天

山東

暮秋山行

瘦馬臥長坂夕陽下通津山風吹空林颯颯如有人
蒼旻霽涼雨石路無飛塵千念集暮節萬籟悲蕭辰
鷓鴣昨夜鳴蕙草色已陳况在遠行客自然多苦辛

赴犍爲經龍閣道

側近搏青壁危橋透滄波汗流出鳥道膽碎窺龍渦
驟雨暗溪谷歸雲網松蘿屢聞羌兒笛厭聽巴童歌
江路險復永夢魂愁更多聖朝幸典郡不敢嫌岷峨

江上阻風雨

江上風欲來泊舟未能發氣昏雨未過突兀山復出

積浪成高丘盤渦為簸窟雲底岸花掩水漲雜草沒
老樹蛇蛻皮崩崖龍退骨平生抱忠信艱險殊可忍

經火山

火山今始見笑兀蒲昌東赤焰燒虜雲炎氣蒸塞空
不知陰陽炭何獨燃此中我來嚴冬時山下多炎風
人馬盡汗流孰知造化功

阜上五盤嶺

平旦驅駟馬曠然出五盤江回兩崖闔日隱群峰攢
蒼翠煙景曙森沉雲樹寒松踈露孤驛花密藏回灘
棧道溪雨滑會田原草乾此行為知已不覺蜀道難

阻我瀘間群盜

戊申歲余罷官東歸屬
湘江昭時淹泊或州作

南州林莽深亡命聚其間
殺人無昏曉屍積填江灣
餓虎銜鬪體餓鳥啄心肝
腥羶灘草死血流江水殷
夜雨風蕭蕭鬼哭連楚山
三江行人絕萬里無征船
唯有白鳥飛空見秋月圓
龍官自南蜀假道來茲川
瞻望陽臺雲惆悵不敢前
帝鄉北近日瀘口南連岫
何當遇長房縮地到京關
願得隨琴高騎魚向雲煙
明主每憂人節使恒在邊
兵革方禦寇爾寇胡不悛
吾竊悲爾徒此生安得全

行軍二首

時襄從

吾猶悲此生四十幸未老一朝逢此亂終日不自保
胡兵奪長安宮殿生野草傷心五陵樹不見二京道
我皇在行軍兵馬日浩浩胡虜尚未滅諸將懇征討
昨聞咸陽敗殺我盡一作如掃積屍若丘山流血漲
灑鎬干戈礙鄉園豺虎滿城堡村落皆無人蕭然空
桑棗儒生有長策無處繫懷抱塊然傷時人舉首哭
蒼昊

又

早知逢世亂少小讀書博不學擊弓向東射狂胡
偶從諫官列謬向丹墀趨未能匡一作君虛作一丈夫

撫劔傷世路哀歌泣良圖功業今已遲覽鏡悲白髮
平生抱忠義不敢私微軀